

quentiam allegantur, antequam certo quid affirmamus. Tot vero difficultatibus non laborat alter, quem Cl. Vir elegit, explicandi modus per interrogationem. Interrogatio necessario admittenda est Job. XL, 20. [Num] extrahes Leviathan hamo? It. c. XIII, 15. *Si me necaret, non sperarem?* Ipse Chaldaeus exprimit interrogationem Gen. IV, 23. 24. licet nulla in hebræo apparet, conf. Ps. IX, 7. Hof. VI, 5. Jof. XXII, 20. I. Sam. II, 12. & XXX, 8. conf. Coccej. ad Buxtorff. Epit. p. 277. Gataker. posth. c. 18. p. 596. Sed necesse est, ut interrogatio ponatur in accentu distinctivo magno, ut ea in lectione exprimi possit, inde in allegatis locis ejusmodi accentus reperimus. Malitiosus autem est Fr., qui Cl. Vir. p. 72. affingit, ac si in omnibus accentibus distinctivis admitteret interrogationem. Ejus verba p. 257. iunt: *Nulla equidem inter accentus inveniuntur interrogationum signa, accentus tamen vocum distinctiones indicant, & utrum interrogatioponi possit, ostendunt.* Nemo sanus ex his sensum tuum ineptum colligit. Mens enim ejus est, si contextus & sensus requirat, ut interrogatio ponatur, necesse est, ut ponatur in voce accentu distinctivo notata. Tabulam a Fr. subjectam intactam non possum dimittere, existimat ille exhiberi hoc oraculo descriptionem Messiae, respectu 1] humanæ, 2] divinæ naturæ. In humana natura ponit 1] thesin a] terminative & tu Bethlehem Ephrata, b] in se parum est, ut sis inter duces Judæ. Sed quomodo hæc verba thesin de humana natura Christi contineant, non apparet. Exhibit potius oraculum vaticinium de loco nativitatis Christi, quo scopo a Matthæo est allegatum.

§. XXXV.

Ut cognoscamus, qua methodo Frank. in Diacritica procedat, brevem ejus conspectum dabo. Proponit ille tres regulas, quarum prima est grammatica p. 68. *Omnes voces sive per servos sive per Makkeph jungendæ, aut inter se, aut cum communi tertio syntactice cohærent.* Sed in hac regula ab omnibus aliis recedit, & corripit, quæ Wasmuthus melius docuerat. Voces conjungendas syntactice cohærere, docuerat Wasm. aliquie, sed voces syntactice cum communi tertio cohærentes etiam cohærere, hactenus nemo docuit, & est falsissimum. Ipse Frank fatetur §. 65. & 71.

non